

Маркас 3 бөлг.

1. Иисус дэки синагогд Бурхна Суббот өдрлэ ирв. Тенд хагсу харта күн бээж.
2. Буурхна Суббот өдр Иисус тер күүг эдгэнү аль угай гинэд, гетэд суусн улс синагогд бээсмн.
3. Иисус хагсу харта күүнд келв: «Бос! Нааран хар, тал дунд зогс.»
4. Синагогд суусн эмтнэс Иисус сурж: «Бурхна Суббот өдрлэ сэ кеж болхий эс гиж му кеж болхий?» Зуг тедн тагчг бээж.
5. Иисус ууртаһар теднүр хэлэхэд, теднэ хату зүрхнднь үзэд зовж. Иисус хагсу харта күүнд келв: «Наран сунһ.» Тернь харан сунһхла, харнь дарунь эдгж одв.
6. Фарисеймуд һарад, Иродын улсла яһж Иисусин эмнь таслхин тускар күүндцхэв.
7. Зуг Иисус эврэннь сурһульчнртаһан теңгс тал йовж одв.
8. Иисусин ардас Галилеяс, Иудеяс, Иерусалимас, Идумеяс, Иордана телтр көвэхэс болн Тир, Сидон хойрин өөр бээсн һазрмудас оln эмтн йовсмн. Эдн Иисус урднь ю кесинь соңссмн бээж, тегэд оln эмтн Терүнүр ирцхэж.
9. Теңгсин көвэхэр йир дала эмтн хурад, дарцад бээж. Тегэд Иисус бийэн дарулшго төлэд, эврэннь сурһульчнрт оһиц Бийднь белдтхэ гиж закв.
10. Иисус урднь дала улс эдгэсинь соңссн гемтэ улс Иисуст һаран күргхэр дарцлдад бээсмн.
11. Хар сәкүснд авлгдсн улс Иисусиг үзхлэрн, өмннь унж киисэд хээкрцхэж: «Та Бурхна Көвүнт!»
12. Болв Иисус тенд келж: «Намаг Бурхна Көвүн гиж бичэ күнд келтн.»
13. Иисус уул деер һарад, Эврэн Бийүрн дуудв. Тедн Терүнүр ирв.
14. Тедн дундас Иисус арвн хойр сурһульч шүүж авв. Эн арвн хойр сурһульчан хамдан бээхин төлө, Байрта зэңг оln эмтнд келхн төлө,
15. хар сәкүсдиг көөх йос өгхин төлө Иисус шүүж авсмн.
16. Иисус шүүж авснь: «Симон, Пётр гиж нерэдсн,
17. Иаков болн Иоанн, Зеведеин көвүд, Иисус тедниг «Воанергес» гиж

нерэдсмн, тернь «Оһтрһун көвүд» болжана,

Андрей, Филипп, Варфоломей, Матфей, Фома, Алфеин көвүн Иаков, Фаддей,
Симон Кананит,

19. болн Иуда Искарот, Иисусиг хортна һарт бэрүлж өгсн.

20. Эдн герт орхла, тенд дэһн дала эмтн цуглрсмн, тегэд Иисус болн Терүнэ сурһульчһрнь хотан идж чадсмн уга.

21. Иисус толһадан гемтэ болж гисн зэңг элгн-саднь соңсад, Терүг авхар ирцхэж.

22. Иерусалимас ирсн дегтр бичдг улс Иисусин тускар иигж келсмн: «Иисус хар сэкүснд эзлгдв, тегэд Тер эрлгин чидлэр шулмсиг көөж һарһжана.»

23. Иисус тедниг дуудад, цецн келврмүдэр сурһв: «Эрлг яһж эврэ бийән көөхмб?

24. Кемр орн-нутг дотран дээхлэ тиим орн-нутг хольврх.

25. Кемр герт бээсн улс нег-негнлэһән өшэ көөһэд, нег-негән дажрад бээхлэ – тер гер энгрэд тарж одх.

26. Кемр эрлг эврэ бийлэһән дээлдж көөхлэ, эрлг дотрасн энгрх, энүнэ йосн хольврад чилх.

27. Чидлтэ күүнэ герт орад, зөөрнь булаж авхин өмн, герин эзиг бэрж авад күчкэд, тегэд герт бээсн зөөрнь булаж авх.

28. Үнэр таднд келжәнэв: «Эмтнд ямаран чигн цуг килнцсинь, му келлһинь тэвгдх,

29. Зуг Эрүн Сэкүсиг му келсн күүнэ килнц төрүц тэвгдшго. Тер күн лавта зарһд орх-цажла харһх килнцән мөнкинд эдлх.

30. Иисус хар сэкүснд эзлгдв гиж дегтр бичдг улс келсн учрар, Иисус энүнэ тускар иигж келсмн.

31. Иисусин экнь болн аһр-дүүһрнь ирж. Эдн һаза зогсад, Иисусиг дуудтн гиж сурцхаж.

32. Тер цагт Иисусин өөр оһн эмтн суусмн бээж. Терүнд келж: «Тана эһтн, аһр-

дүүнртн болн эгчнртн хаза бээнэ, Таниг дууджана.»

33. Иисус эднд иим хэрү өгв: «Кен Мини экм болн Мини ахнр-дүүнрм?»

34. Иисус өөрэн суусн эмтнүр хэлэхэд келв: «Эн Мини экм болн ахнр-дүүнрм.

35. Юңгад гихлэ кен Мини Теңгрин эцкин таал күцэснь, тер Нанд ахнр-дүүнрм болн эгчм, болн экм.»